



UNIVERSITÄTS-
BIBLIOTHEK
PADERBORN

Waerchtighe Historie Van de Martelaers Van Gorcom

Estius, Wilhelm

Antwerpen, 1604

Capittel XIII. Het leuen van P. Nicasius Ians van Heze.

[urn:nbn:de:hbz:466:1-64552](https://nbn-resolving.org/urn:nbn:de:hbz:466:1-64552)

maeghden van het clooster van S. Agneet tot Gorcom / wefende vanden derden regel van S. Franciscus. In welck officie hem sozgh-buldighlock ende heylighlijck draghende hy nu heel eudt wefende oft seer naer by den lesten ouderdom wordt mette andere broeders totte ghemeyne croone der martyrien uyt dit leuen gheroepen.

CAPITTEL XIII.

Het leuen van P. Nicasius Ians van Heze.

P Nicasius Ians Adriaensen van een dorp in onse Kempen daer hy ghebozen was is ghe-noemt van Heze. Met welcken by-naem vande plaetse der ghebozten ghetrocken vele andere ghe-noemt zijn gheweest by-naer van een familie / ghesleerde ende Godt-vzuchtighe mannen / ende veeral H. Dierick van Heze de oom van P. Nicasius / die eer-tijds is gheweest Capellaen van den Paus van Roomen Adrianus den listen / ende daer naer tot Lupck in groote hoogheydt ghestelt. Dese Nicasius is een man gheweest seer Godt-vzuchtigh / ende sonderlinghe naer-volgher vande Euangelische vol-maechtheydt: hy was dock wel her-baren in het deel der heyligher Godtheydt dat met de contemplatie becommert is / ende d'welck de gheestelijcke sinnen der heyligher Schrifturen onder-soeckt: welck de redene was dat sijn sermoonen tot het volck te hoogh ende te subtijl waren om van de ghemeynte verstaen oft begrepen te worden. Ghelijck genoegh blyckt uyt eenige van sijne schriften en aereheydt / die ick by my beware / wefende met sijne eyghene handt gheschreuen. Eer dat hy het habit der heyligher religien hadde ontfanghen / heeft hy vele iaeren ouer-braght inde Vniuersiteyt van Lo-

uen: al-waer hy vol-eyndt hebbende den loop van
 sijn studien inde vrye consten / heeft inde H. Godt-
 heydt ghestudeert in't collegie van Adrianus den se-
 sten / d'welck ghenoeemt wordt s' Paus collegie / en
 heeft vercreghen den tijtel van Baccalaureus die
 sijn gheleerdthepdt toe-quam: wesende seer lief-
 getal by den vermaerden Doctoor inde Godtheydt
 H. Martinus Rijthouen / die naer-der-handt is
 gheweest de eerste ende seer loffelijcke Bisschop van
 Ipre in Vlaenderen. In het lesen vande heylighe
 Schrifteure was hy soo seer gheoeffent / dat hy een
 groot deel van dien van buypen wieste. De gheheele
 Psalter hadde hy op sijn duymken. Allen de boec-
 ken van het nieuwe Testament / ende sonderlinghe
 de Apostolische vrieue / conste hy van buypen op-seg-
 ghen. In raedt te gheuen / ende den alendighen
 te vertroosten vermoghte hy seer vele. Waer in
 (het welck een seldsaem ende seer wonderlijck exem-
 pel is) hy in't minste sijn eyghen bate niet en socht/
 wepgherende al-tijdt eenighe giften te ontfanghen
 hoe-danigh die oock moghten wesen / hoe wel dat
 hy t'selue som-tijds vryelijck soude hebben mogen
 doen sonder pemanden te verargheren. Maer de
 heylighe man heeft metter daedt willen toonen dat
 hy was een naer-volgher vanden ghenen die tot sijn
 beminde kinderen in Christo schryuende seght:

2. Cor. 12. Siet ick ben nu tot deser derder reysen bereydt tot
 u-lieden te comen / ende ick en sal u-lieden niet swaer
 vallen. Want ick en soecke niet dat uwe is / maer
 u-lieden. Maer soo wanneer als hy raedt gaf den
 ghenen dies van doen hadden / soo bracht hy yet
 voort uyt de heylighe Schrifteure / oft uyt de schrif-
 ten der heyligher Vaderen daer hy sijn gheboelen
 mede bebestighde. Dickwils oock verhaelde hy ee-
 nighe exempelen der heylighen dienende tot het pro-
 post

post daer hy van ghebræghet wierdt / welke exem-
 pelen oft deur de **H.** Schryfture / oft deur de heylighe
 Kercke veur goetd ghehouden worden. Daer-
 en-tusschen nochtans ghebræghete hy sulcke maete/
 soo wanneer hem raedt ghebræghet wierdt van pe-
 manden / wiens biecht-vader hy niet en was / dat
 hy al-sulcken liever ende aller-eerst sondt tot synen
 ghewoonlijcken biecht-vader / die sonder twijfel
 betere kennisse hadde des herten ende des in-wendi-
 ghen mensches. Het welck veur-waer om wel en-
 de profytelyck raedt te gheuen in t'ghene dat de eeu-
 wighe salighepdt aen-gaet veur al van noode is.
 Doorzt-aen om synen tijdt wel te besteden ende ve-
 le menschen profytelyck te moghen wesen / hadde
 hy vele boeckskens die tot de Godt-vruchtighepdt
 ende tot t'bersteruen der quader begheerten mogh-
 ten dienen upt de Latijnsche inde Neder-duytsche
 tale ouer-ghesett / ende de selue met syn handt ghe-
 schreuen deplde hy mildelijck ende veur niet aen
 sijne leer-kinderen mans ende vrouw-persoonen.
 Van welken synen arbeydt ick oock eenighe teekene-
 nen en ghedenckenissen by my hebbe. Hy hadde een
 moeye Lucije ghenoemt / de welke in haer iong-
 hepdt sterck ende ghesondt van lichame ghewerck
 hebbende / is naer-der-handt deur Godts besoe-
 kinghe in alle hare leden soo maghteloos ghewor-
 den / dat sy haer seluen van haer plaetse niet en con-
 ste verroeren / maer moeste in eenen stoel deur den
 dienst van andere ghedraghen worden daer't van
 noode was. Dese besocht **P.** Picalius s'jaers eens
 als een sonderlinghe vriendinne Godts / op dat hy
 haer vriendelijcken troost soude mede-deplen / ende
 vermanen tot verduldighepdt in't lijden.